



Broj: 06-1-07-1-675-2/20
Sarajevo, 04.08.2020. godine

OPĆINA PALE
OPĆINSKO VIJEĆE
UL. HIMZE SABLJE br. 33
73 290 PALE, PRAČA
Tel: 038/799-100
Fax: 038/799-101

Predmet: Odgovor, dostavlja se –

Veza: vaš akt broj: 02/1-04-72/20 od 27.07.2020. godine

U vezi s vašim aktom, broj i datum Veze, kojim ste Centralnoj izbornoj komisiji Bosne i Hercegovine dostavili obavijest da su vijećnici Općinskog vijeća Pale izglasali inicijativu za opoziv načelnika Općine Pale, dana 24.07.2020. godine, te kojim tražite mišljenje Centralne izborne komisije BiH po pitanju zakonitosti provedenog postupka, obavještavamo Vas o sljedećem:

Nadležnosti Centralne izborne komisije Bosne i Hercegovine propisane su članom 2.9 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20).

Članom 1.10 stav (1) tačka 2. Izbornog zakona BiH propisano je da izabranom članu organa vlasti na svim nivoima prestaje mandat prije isteka vremena na koje je izabran ako je opozvan u skladu sa zakonom.

Postupak opoziva Općinskog načelnika propisan je Zakonom o izboru, prestanku mandata, opozivu i zamjeni načelnika Općina u Federaciji Bosne i Hercegovine („Službene novine Federacije BiH“, broj 19/08), te je članom 11. istog Zakona određeno da se postupak opoziva načelnika ne može voditi 100 dana nakon izbora načelnika, niti u izbornoj godini predviđenoj za lokalne izbore.

Imajući u vidu da je Centralna izborna komisija Bosne i Hercegovine, dana 07.05.2020. godine donijela Odluku, broj 05-1-07-1-393-1/20, o raspisivanju i održavanju Lokalnih izbora 2020. godine, za 04.10.2020. godine, te dana 23.05.2020. godine, Odluku o odgađanju održavanja Lokalnih izbora, broj 05-1-07-1-393-25/20, kojom je predviđeno održavanje Lokalnih izbora za dan 15.11.2020. godine, to implicira da se lokalni izbori u Bosni i Hercegovini imaju održati 2020. godine, na način i prema odredbama Izbornog zakona BiH.

U vezi sa svim prethodno navedenim, obavještavamo vas da se postupak opoziva općinskog načelnika u općinama u Federaciji Bosne i Hercegovine ne može voditi u toku 2020. godine.

S poštovanjem,

Dostavljeno:
-naslovu,
-a/a.

